

函

海

制義科瓌記

制義科瑣記序

三代之造士也黨庠術序其法備詳於
周官禮記漢魏周官禮記舉里選其
事散見於紀傳事散見於收教之法代
有不同而升秀之有不同而升右異求其勒
成一書足備掌故者固未有也至唐而科
目之多為最其中以登進士科為清班

與其深者莫不引為光耀至載其賢
書於首稱曰千佛名經頌及盛歛至定
保作摭言二十卷刺取其事如賜宴題名
則有雁塔杏園之盛法書異蹟則有儒
粘藥榜之奇夢兆禎祥則有駝起龍
乘之卜不足以考鏡三唐人物之盛文
章之麗制科之書畫善也哉我朝承

前明之法以八股選士則其歲又前古所未
有者蓋其各省之試謂之鄉試鄉試中選
而貢之京師合而考選之謂之會試會試得
列進士第者又廷試之謂之廷試自前明
以迄於今幾五百年儲前卷士之厚彙舊
作新之制文人學士多喜談而樂道之
其體載于高文曲策釋官野史之內

者更僕未易悉數予于誦讀之餘德
見摘抄自以洪武開科以至于今共得百
十條彙集成冊為制科雜語以鳴盛事
亦以見 國家待士之隆也故曰制義科
項記亦聊以備典故云爾或曰八股取士
之制創於元代者以說以為王荆公始者死
也蓋荆公之所創者經義非八股又凡入場

之制亦多元代所制如糊名易書等書
猶是遺規也不但文字體裁之物果於前
代而已編中所載未及原貽為補其遺于
弁首云

乾隆四十三年八月中秋後丁卯
李調元鶴洲題并書



蘇詩心

蘇詩心

蘇詩心

蘇詩心

蘇詩心

制義科瑣記卷一

羅江李調元鶴洲輯

制義開科之始

明洪武三年庚戌始開科就試者鄉舉士百二十三人
中式者七十二人主試則御史中丞劉基治書侍御史
秦裕伯同考則翰林侍讀學士詹同宏文館學士睢稼
起居注樂韶鳳尚寶丞吳潛國史編修余濂而序錄出
於濂中試士未及會試悉授官四年京畿鄉試兵部尚
書吳琳司業宋濂濂仍為序尋合諸省之士會試凡二

百人中式者百二十人知貢舉官右丞相汪廣洋左丞
相胡惟庸主文禮部尚書陶凱學士潘庭堅考試學士
詹同司業宋濂吏部員外郎原夔貢士鮑恂吏部侍郎
顧貞監試御史孔希魯宋圭提調兼印卷禮部尚書楊
訓文同印卷中書左司郎中孫煜祖提調禮部侍郎秦
文繹禮部主事姜漸受卷吏部主事林光弼彌封兵部
主事許方謄錄蘇州教授貢穎之對讀翰林應奉文字
唐肅禮部主事張孟羔此外又有監門搜檢巡緝鎮撫
供給及掌行科舉文字省掾令史奏差等官廷試總
調則汪廣洋胡惟庸讀卷祭酒程觀博博士孫吾與給

事中李頤修撰王傑監試御史馬貫徐汝舟掌卷工部

員外郎牛諒受卷工部主事周宣彌封秘書監丞陶誼

對讀尚寶丞魏潛編修蔡元提調前陶凱楊訓文按官品尚書祭

酒正三品侍郎侍讀學士正四品給事中從四品左司郎中司業正五品員外正六品主事應奉修撰正七品編修秘書正八品是歲取中

俞友仁等廷試賜吳伯宗郭种吳公達俱及第狀元授

員外郎餘及出身俱授主事同出身授縣丞會元亦授

縣丞高麗生入試者三人唯金濤登三甲第五名授東

昌府安邱縣丞餘皆不第三人俱不通華言請還本國

詔厚給道里費遣舟送之濤尋為其國相

初設科舉條格記

洪武元年詔曰朕聞成周之制取材于貢士故賢者在職而其民有士君子之行是以風俗淳美國易為治而教化彰顯也漢唐及宋科舉取士各有定制然但貴詞章之學而未求六藝之全至于前元依古設科待士甚優而權豪勢要之官每納奔競之人辛勤歲月輒竊仕祿所得資品或居士人之上懷材抱德之賢恥于並進甘隱山林而不起風俗之弊一至於此今朕統一中國外撫四夷與斯民共享昇平之治所慮官非其人有傷吾民願得君子而用之自洪武三年八月為始特設科舉以取懷材抱德之士務在經明行修博古通今文質

得中名實相稱其中選者朕將親策于廷觀其學識品
其高下而任之以官果有材學出衆者待以顯擢使中
行文武皆由科舉而選非科舉無得與官敢有游食奔
競之徒重以重罪以朕稱責求賢之意所有合行事宜
條于後一鄉試會試文字程式第一場試五經義各試
本經一道不拘舊格惟務經旨通暢限五百字以上易
程朱氏註古註疏書蔡氏傳古註疏詩朱氏傳古註疏
春秋左氏公羊穀梁胡氏張洽傳禮記古註疏四書義
一道限三百字以上第二場試禮樂論限三百字以上
詔誥表箋第三場試經史時務策一道惟務盡述不尚

文藻限一千字以上第三場畢後十日面試騎觀其馳
驟便捷射觀其中數多寡書觀其筆畫端楷律觀其講
解詳審殿試時務策一道惟務直述限一千字以上一
出身第一甲第一名從六品第二第三名正七品賜進
士及第第二甲一十七名正七品賜進士出身第三甲
八十名正八品賜同進士出身一鄉試各省并直隸府
州等處通選五百名為率人材衆多去處不拘額數若
人材未備不及數者從實充貢河南省四十名山東省
四十名山西省四十名陝西省四十名北平省四十名
福建省四十名江西省四十名浙江省四十名湖廣省

四十名廣西省二十五名在京鄉試直隸府州一百名
一會試額試一百名一高麗國安南占城等國如有經
明行修之士各就本國鄉試貢赴京師會試不拘額數
選取一開試日期鄉試八月初九日第一場十二日第
二場十五日第三場會試次年二月初九日第一場十
二日第二場十五日第三場殿試三月初三日一三年
一次開試一於洪武三年鄉試洪武四年會試一各省
自行鄉試其直隸府州赴京鄉試凡舉各具籍貫年甲
三代奉姓鄉里舉保州縣申行省印卷鄉試中者行省
咨解中書省判送禮部印卷會試一仕宦已入流品及

曾于前元登科并曾仕宦者不許應試其餘各色人民
并流寓各處者一體應試一有過罷閑人吏娼優之人
並不得應試一應舉不第之人不許誼闈撫拾考官及
擅擊登聞鼓違者究治一凡試官不得將弟男子姪親
屬徇私取中違者許赴臺省指實陳告一科舉取士務
在得全才但恐開設之初騎射書算未能編習除今科
免試外候二年之後須要兼全方許中選於戲設科取
士期必得乎全材任官惟能庶可成于治道咨爾有衆
體朕至懷故茲詔示想宜知悉

罷會試

洪武六年諭中書省臣有司所取多後生少年觀其文詞若可有為及試用之能以所學措諸行事者甚寡朕以實心求賢而天下以虛應朕非朕責實求賢之意也今各處科舉宜暫停罷別令有司察舉賢才必以德行為本而文藝次之是年遂詔天下舉人罷會試正月初八日河南解額內選四名第一人張唯年二十七其次王輝年二十八李端年二十一張紳年二十七二十三

日山東解額內選五名第一人王璉年二十三其次張鳳年二十八任敬年二十六陳敏年二十三馬亮年二十五皆拜翰林編修又選國子監蔣學方徵彭通宗善

王惟吉鄒傑等拜給事中于文華堂肄業命太子贊善
大夫宗濂太子正字桂彥良分教之

頒行科舉成式

十七年三月戊戌朔命禮部頒行科舉成式凡三年大
比子午卯酉年鄉試辰戌丑未年會試舉人不拘額數
從實充貢鄉試八月初九日第一場試四書義三道每
道二百字以上經義四道每道三百字以上未能者許
各減一道四書義主朱子集註經義詩主朱子集傳易
主程朱傳義書蔡氏傳及古註疏春秋主左氏公羊穀
梁胡氏張洽傳禮記主古註疏十二日第二場試論一

道三百字以上判語五條詔誥章表内科一道十五日
第三場試經史策五道未能者許減其二俱三百字以
上次年禮部會試以二月初九日十二日十五日為三
場所考文字與鄉試同鄉試直隸府州縣則于應天府
在外府州縣則于各布政司其舉人則國子學生及府
州縣學生負之學成者儒士之未仕者宮之未入流者
皆由有司申舉性資敦厚文行可稱者應之其學校訓
導專教徒及罷閑官倡優之家與居父母喪者並不許
入試其中試者官給廩傳送禮部會試考試官皆訪經
明公正之士官出幣帛先期敦聘主文考試官二人文

幣各二表裏同考試官鄉試四人會試八人文幣各一
表裏提調官在內鄉試應天府官一人會試禮部官一
人在外布政司官一人監試官在內監察御史二人在
外按察使官二人供給官在內應天府官一人在外府
官一人收掌試卷官一人彌封官一人謄錄官一人對
讀官四人受卷官二人皆擇居官之清慎者充之巡綽
監門搜檢挾官四人在內從都督府委官在外從守
禦官委官凡供用筆札飲食之屬皆官給之舉人試卷
自備每場草卷正卷各用紙十二幅首書三代姓名及
其籍貫年甲所習經書在內赴應天府在外赴布政司

卷會試殿試赴禮部印卷試之日黎明舉人入場每人用軍一人守之禁講問代冒至晚納卷未畢者給燭三枝文字迴避御名廟諱及不許自叙門第彌封者編號作三合字謄錄用硃考試官用墨以防欺偽其會試中試者三月朔日赴殿試

多國子生

是秋九月應天府奏中式者廖孟瞻等二百二十九人內多國子生上悅命有司出榜原籍旌之

采書經庶常吉士之義

十八年乙丑會試命待詔朱善前典籍聶鉉為考試官

取黃子澄第一練子寧次之花綸又次之綸浙江解元也及廷試綸第一子寧次之子澄又次之既啟封上自以夢故用丁顯為狀元子寧如故綸第三抑子澄三甲為庶吉士然三人俱授修撰亡何亦擢子澄為修撰云見刻丁顯策者僅三百字稱上為上位餘多不成語實錄云賜二甲進士馬京等為編修吳爨為檢討李震為承勅郎陳廣為中書舍人三甲危璪為衛府紀善李鳴岡為潭府奉祠正楊靖為吏科庶吉士黃耕為承勅郎蹇瑢等為中書舍人鄒仲實為國子助教其諸進士觀政翰林院承勅監近侍衙門采書經庶常吉士之義俱

稱庶吉士六部俱稱進士

開國元墨

是科首題為天下有道則禮樂征伐自天子出黃子澄
元墨實為開國第一篇文章足為萬世楷式其墨云治
道隆於一世政柄統於一人夫政之所在治之所在也
禮樂征伐皆統於天子非天下有道之世而何哉昔聖
人通論天下之勢首舉其盛為言若曰天下大政固非
一端天子至尊實無二上是故民安物阜羣黎樂四海
之無虞天開日明萬國仰一人之有慶主聖而明臣賢
而良朝廷有穆皇之美也治隆於上俗美於下海宇皆

熙皞之休也非天下有道之時乎當斯時也語離明則一人所獨居也語乾綱則一人所獨斷也若禮若樂國之大柄則以天子操之而掌于宗伯若征若伐政之大權則以天子主之而掌于司馬一制度一聲容議之者天子不聞以諸侯而變之也一生殺一予奪制之者天子不聞以大夫而擅之也皇靈丕振而堯封之內咸欽聖主之威嚴王綱獨握而禹甸之中皆仰一王之制作信乎為天下有道之盛而非後世所能及也錢吉士評云洪武庚戌詔以八月開鄉試明年二月禮部會試所試文仍尚元制至甲子定科舉成式乙丑會試止錄士

丁姓名鄉貫未刻程文錄文自戊辰始此篇見世德堂
墨選後列解學士大紳批語云莊重典雅臺閣文字相
傳甚久特為表出

題目無多

國初試題取經書中大道理大制度係人倫治道者出
以課士當時題目無多士專心于大且要者用功有倫
序得以餘力及他經子史

對策

練子寧名安以字行新淦人洪武十八年殿試對策有
云天之生材有限陛下忍以區區小故縱無窮之誅何

以為治上大悅擢一甲二名

狀元坊

任亨泰襄陽人以太學生中洪武二十一年進士上特命有司建狀元坊以旌之遂為例

君子

陳性善名復初以字行洪武三十年進士山陰人傳臚過御前帝見其容止凝重屬目久之曰君子也

春夏二榜

洪武三十年丁丑上命翰林學士劉三吾安府紀善白信臨為考官榜發中原士子無與名者三月殿試以聞

縣陳郊為第一被黜者咸以不公為言上大怒命儒臣
再閱下第卷擇文理優長者復其科第或傳三吾與信
蹈至閱卷官所囑以卷之最陋者進呈上驗之果以不
堪文字奏進益怒謂為胡藍二黨命刑部考訊三吾信
蹈與贊善司憲三人為藍黨侍讀張信贊善王侈華司
直張諫校書嚴叔載正字董貫長史黃章紀善周衡王
楫皆胡黨唯侍讀戴彝不與焉詔三吾謫戍邊餘皆凌
遲於市於是覆閱取六十一人皆北人也故是科有春
夏二榜春榜狀元即陳郊夏榜狀元韓克忠山東武城
人

貌不揚

建文二年策試禮部中式舉人賜胡廣王艮及第出身
有差廷試策艮最優以貌不揚易廣第一後艮死難故
曰以貌取人失之子羽

盧龍軍士

景泰元年翰林侍講學士劉鉉主考順天及揭曉第一
人劉宣盧龍軍士也同事者欲更之鉉爭曰朝廷立賢
無方乃止

胡廣

胡廣吉水人建文二年殿試廷問堯舜之世親則象傲

臣則共鯨意在燕王也。廣對有親藩陸梁搖動人心語。擢為第一。見姓名曰。又一胡廣耶。改名靖。後謚文穆。文臣得謚自廣始。

批卷

永樂二年甲申上命侍讀學士解縉侍講黃淮為官。先是江西有劉子欽者。縉同鄉。由省元至會元將殿試。縉在翰林間稱之曰狀元屬子矣。子欽自負畧不遜避。縉少之。密以題意示同鄉曾榮。明日廷對。榮策最詳。殆及萬言。上親批其卷云。貫通經史。學達天人。有講習之學。有忠愛之誠。擢魁天下。昭我文明。尚質啟沃。惟良顯。

哉遂擢第一殿試罷祭以詩紀之曰曉開三殿降絲綸
袞冕臨軒策小臣紅燭影催金闕曙紫霞香泛玉壺春
雲霄九萬扶搖近禮樂三千制作新淺薄未能宣聖德
願歌棧樸播皇仁

題名碑

永樂二年上特命工部建進士題名碑於國子監命侍
讀學士王達記遂為例

揆宿

永樂乙酉三年正月上命學士解縉選新進士有才識
者就文淵閣肄業得二十八人周忱自陳年少願讀中

秘書上曰有志之士也增忱共二十九人令緝領其事

時人謂周忱為揆宿云

按二十八人象二十八宿也按是歲庶常令司禮監月給墨筆紙光祿給朝暮膳禮

部月給膏燭鈔人三錠工部近第宅居止

生日

曾榮字子榮五歲盡識象戲事稱江西才子永樂中甲申狀元其生洪武乙巳九月七日亥時其孫追亦生於洪熙乙巳九月七日亥時年月日時皆同因名追成化戊戌追亦探花及第

兄弟鼎甲

永樂甲申科廬陵周孟簡與弟述同登第述名在孟簡

之前太宗曰弟不可以先兄乃置述於後此即二宗故

事也

按題名碑述在一甲二名仍先榜也按奔州別集二人從昆季也亦有御批褒許之詞至謂兄弟齊名古今罕比

三加禮

王翰林洪以總角登第永樂喜甚命禮部與行三加禮畢赴瓊林宴入官翰林與王直王英同年齊名人稱三

王

考官不叙爵

永樂中各省鄉試多有儒士主考而品官同考者景泰二年會試莆田林文修撰也而為主考吉水劉儼侍講也而為同考當日重在衡文故不叙爵

典史中狀元

曹芻為典史日夕讀書不輟邑令戲之曰欲中狀元耶

芻曰誠如尊諭

按芻初中鄉試投學正自以年少不堪人師願試民職改泰和典史

宣德八年癸丑

督工匠至京疏乞會試中第二殿試廷問義禹河洛象數芻對稱旨上親擢為第一

詔許歸娶

花綸初授修撰年十八詔許歸娶練子寧送以詩曰三月都門鶯亂啼郎君春色上春衣潘生况擬供調膳張敞仍須學畫眉南陌酒香銀甕熟西湖月朗畫船歸極

知身負君恩重莫遣心隨粉黛移

堯山堂外紀

春聯

章孟端為御史多所彈劾中貴忌之罷歸諸子連中進士為京官同處一邸書春聯于壁曰四壁金華春宴罷滿床牙笏早朝歸人多羨之

蹇瑢

是歲沈潛楊靖咸受上知不兩歲至兵刑部尚書而皆不克終蹇瑢改名義授中書舍人滿九載潛靖死後始進官為吏部尚書者三十四年俞憲登科改名姓次序俱以會試錄為準然不載楊靖蹇瑢其脫略可知矣

不名

戊辰狀元任亨泰深被上寵名有司于襄陽建狀元坊以旌之亨泰每召議手書襄陽任而不名

改中書

按是歲解縉年十九中三甲進士攷年譜志銘俱云改中書庶吉士與姊夫黃金華同而實錄內絕不載其事實錄為縉摠或豈應刪略至此蓋縉得罪後以重修故去之耳題名記盧原質卓敬以死難磨去不存

賜錠

二十三年庚午賜應天府考試官傅箕蘇伯衡謝南毛

瀚鈔各十錠中式舉人貢文史等五十人各二錠其監
生生員試不中者鈔二貫且諭以進學之方俾無怠無
忽

狀元出太學

二十四年辛未取中許觀等三十一人仍賜許觀第一
時年二十八上以連科狀元出太學名祭酒宗訥褒焉

竿頭進步

永樂二年甲申賜狀元曾祭與周述孟簡羅衣各一襲
又命翰林試下第舉人張欽等六十一人各見皆賜冠

帝命子國子監進學以俟後科謂曰爾等學已有根但
更百尺竿頭進步耳後科第一人有不存爾曹者乎

二十九疇偏題

永樂七年己丑會試榜發御史劾出題孟子節文尚書
洪範九疇偏題考官鄒緝等俱下獄又復取下第胡棨
金庠等十餘人時以上幸北京俱國子監讀書辛卯
始殿試皇太子先以副榜第一名孔諤為中允賜出身

積字難識

刊

十三年乙未始詔天下舉人會試北京命修撰梁潛王
洪為考官初拆卷第一名曰陳循其鄉人也避嫌改第
二而擢林文秸既又以秸字難識定洪英第一第五王
翱監山人也上喜得畿輔士以布衣召見賜酒食既廷
試復賜陳循李貞陳景著及第景著時年十八

名近暴

朱書填黃榜

二十二年廷試上初取孫曰恭第一嫌其名近暴曰孫
暴不如邢寬遂擢寬第一仍用朱書填黃榜一時稱異
事

檢舉

宣德七年壬子九月府尹李庸檢舉科場詐冒事御史劾之上曰科舉求賢國家重事於此而不用心他事可知矣御史所劾本不可宥但念斯事因庸覺察不然奸弊不克露矣

白而偉

正統元年廷試首摺取三卷未定問同事者曰有識周旋者否狀何如或曰白而偉蓋疑謂淳安周瑄也

按瑄名在二甲

二名遂首旋既傳臚貌甚寢為之愕然

是科同考官魏驥付考官陳循師也官太常少卿秩

尊于循而循以侍講學士為考官

不任士子

三年戊午順天初試之夕場屋火旋滅試卷有殘缺者
有司懼不敢請更試欲請修場屋以終後兩試主考曾
鶴齡曰必更試然後可以滌弊而不枉士子有司具二
說以進詔更試

天字稱莧

十年乙丑榜取中商輅為明朝三元一人是歲同考一
教授二教諭是科會試登科錄天字皆稱莧字今考部
本不然以為葉傳聞之誤葉是科進士豈有誤理或奉
部翻刻未可知也廷試讀卷官有兵部尚書徐晞戶部
侍郎奈亨俱吏員也

同考不用教官

景泰五年先一年禮書胡濙言翰林院及春坊以文藝為職業宜專作同考京官由科第有學行者宜兼職以充勿再用教官著為令是歲商學士才閱三科已作正考而同考則中允楊昂贊善錢溥皆已未也

薛壇性理

天順元年同考則尚寶少卿錢溥司丞李泰翰林典籍徐秘蓋官制初變也而正考則學士薛壇侍講呂原是科最號嚴整然外人有以俚語戲者所謂薛壇性理難包括錢溥春秋沒主張問仁既已無顏子告祭如何有

太王皆指摘題目之誤至謂總兵令姪獨軒昂蓋指石亨從子後也後坐亨敗除名及以怨謗劓於弁

平平耳

成化十四年戊戌殿試閣考萬安得曾彥策擊節歎賞又先一日唱名時視之美而頎長也擢第一傳臚見彥老而多髭且短萬意惘然退再取策閱之平平耳是科庶吉士張潔年十七楊廷和年十九

奪聘禮

二十二年禮書周洪謨奏本年天下鄉試錄文多乖謬乞將考試官訓導黃奎追奪聘禮行巡按御史提問從

之正文體

嘉靖十一年殿試賜林大欽孔天胤高節及第先是禮部尚書夏言上疏正文體諸刻意騁詞浮誕磔裂壞文體者擯不得取詔可既廷試復令儀制郎中約束諸士咸措聽而大欽獨後至不聞也起不用對冒而文氣甚奇吏部尚書汪鋐得之詫曰怪哉以示大學士張孚敬已定二卷覽之曰雖破格甚明健可誦也取為第三既呈覽上御批第一時年二十二

各覽一週

十一年乙未廷試賜韓應龍孫陞吳山及第先是大學士李時等取中十二卷進覽上批答曰卿等以堪作甲卷十二來呈朕各覽一週其上一卷說的正合策題夫周道善而備朕所取法其上三說仁禮為用夫仁基之禮成之亦甚得題意其上四論仁敬夫敬而能仁他不足說可以保治矣其上二畧泛而治於行其下二却似讜雖與題不合言以時事朕取之可二甲首餘以次挨去不知是否卿可先與鼎臣看一過再同讀卷官看行上復御批首三卷于韓曰是題本意可第一甲第一名于孫曰說仁禮之意好可第二名于吳曰敬為心學

之極此論好可第三名

君前臣名

十六年丁酉禮書嚴嵩奏廣東所進試錄字如聖謨帝
懿四郊上帝俱不抬頭及稱陳白沙倫遷岡之號有失
君前臣名之義得旨學政王本才等布政陸杰等俱逮
問

策含譏訕

二十二年癸卯上覽山東所進鄉試錄手批其第五問
防邊禦虜策曰此策內含譏訕禮部其參看以聞于是
尚書張壁等言今歲虜未南侵皆皇上廟謨詳盡天威

所懾乃不歸功君上而以醜虜饜飽為詞誠為可惡考
試官教授周鏞等法當重治監臨官御史葉經等俱屬
有罪上曰各省鄉試出題刻文悉聽之迷按考試教官
莫敢可否此錄不但策合譏訕即首篇論語義繼體之
君不道經職司監臨事皆專任周鏞等俱令錦衣逮治
經至上以經狂悖不道杖八十為民經遂死杖下

嗜酒

御史包孝奏辛丑會試編修嵇世臣為禮經分考賄中
進士徐履祥陳志潘仲驂當追罷且言左庶子童承叙
之嗜酒右贊善郭希顏之輕險編修袁煒之放蕩俱不

當與試事上不問

夢聞雷

二十三年甲辰廷試少傅翟鑾二子汝儉汝孝俱與焉
上疑汝儉等在首甲因抑第一卷置第三復抑第三卷
置二甲第四拆卷果汝孝也上又夢聞雷遂拔秦鳴雷
為狀元是科旋有王交劾考官江汝璧通賄之事

千年礦

方應祥字孟旋浙之西安人萬曆丙午魁應天至丙辰
韓若愚得公卷擬本房第八忽叫絕定首卷填榜見為
孟旋語所知曰得百少雋不如得一老方故繆西溪曰

帝義和珅言 卷一
由前摸索無心發千里之礦由後矜賞偏喜添雲水之
庄傳為佳話

儒釋道三鼎甲

正統十三年賜彭時陳鑑岳正進士及第時稱為儒釋
道時儒籍鑑神樂觀道士四十尚未娶正早喪父嫡母
不容避居興隆寺從僧故云是科齒最少者河南李泰
父永昌見為太監

欽賜舉人

劉學士儼景泰中典北畿秋試取江陰徐泰解元泰本
富族當道奏儼有私召五經魁士親試禁中彌封以示

閣臣覆閱取次拆封一與原榜無異仍賜泰為解元時
目泰為欽賜舉人

不食不居
不食不居

自奉不居

與氣相母具外服奉感補天

制義科瑣記卷二

羅江李調元鶴洲

都北平

永樂十三年乙未會試貢試於行在北京鹽山縣人王
朝進呈卷在第五上欲都北平得朝大喜擢二甲第一

按是科續取下第舉人二十四人並
賜冠帶給教諭俸送國子監讀書以待科

朱書其

馬狀元鐸母馬氏妾也嫡妬不容再嫁同邑李氏俱福建長樂縣

人復生一子名馬亦冲永樂十六年戊戌狀元按馬鐸中狀元在永樂十

年壬辰科御筆於馬旁加其字名騏越三日傳臚凡三唱無應者曰即李馬也騏乃受詔每報刺騏字黑書馬朱書其

黃鸚鵡賦

永樂戊戌科二甲一名進士周敘吉水人十一歲能詩
殿試後上命作黃鸚鵡賦稱旨授編修
會試分南北中卷

宣德二年乙巳科定會試分南北中卷以百名為率南
北各退五名為中卷直隸山東河南山西陝西為北卷
四川廣西雲南貴州及鳳陽廬州徐滁和三州為中卷

餘皆南卷

策士歌

宣宗庚戌年御奉天門親發策問退而御武英殿謂從
臣曰朕策士不尚虛文欲得忠鯁能言者賦策士歌一
篇以示讀卷官讀卷官悉心摹索得稱旨才三人歛縣
吳寧三甲十
八名吉水廖莊三甲
三名安福劉實三甲二
十二名也

祀竈文

劉定之字主靜永新人少作祀竈文父見之曰此子一
第不足多也中正統元年禮部會元殿試三甲三名

三元

正統十年乙丑商公輅由解元會元捷狀元終明世三元公及黃觀而已先是文運獨盛於江西故有狀元多吉水朝內半江西之謠至是浙省始盛

按黃觀貴受字伯瀾一字尚賓洪武

甲子應貢入太學發解南畿辛未會試第一廷對禦戎策太祖嘉之擢狀元除修撰今池州學宮三元匾尚存

金銀鐵

景泰五年狀元河南人孫賢面黑榜眼宜興人徐溥面白探花武進人徐鎔面黃時目為鐵狀元銀榜眼金探花

火

天順癸未貢院火甲申又火舉人死者九十餘人好事

者為詩云回祿如何也忌才春風散作禮闈災碧桃雖
向天邊種丹桂翻從火裏開豪氣滿場爭吐燄壯心一
夜盡成灰曲江勝事今何在白骨稜稜漫作堆

風颺卷

景泰二年辛未王越方殿試時旋風掣其卷颺去御史
為言乃重給卷使畢試踰年朝鮮貢使至攜所颺卷以
進景帝見越姓名異之謂吏部曰識之此當任風憲因
授御史

貌寢

景泰五年甲戌殿試邱文莊公濬奉擬狀元以貌寢寘

二甲一名

給筆札

孔公恂聖裔會試後以母疾不赴廷對上知之使召之日且午不及備卷命翰林官給筆札遂登第二甲十四名進士時景泰甲戌科也

構考官

天順元年甲子順天鄉試以大學士劉儼侍講學士呂原充考官內閣陳循子瑛王文子倫俱不中式循等奏儼等閱卷不公且摘策題中有無正統又第六名林挺硃卷無批語等語以激怒上如洪武間劉三吾等例重

開科考試上命翰林覆閱中卷高穀懼儼等禍且不測
早朝事畢出班跪稱有事上聞上召至前穀曰大臣子
與寒士並進已不可况又不安於命欲構考官可乎上
然之由是儼得免而特旨賜陳瑛王倫為舉人許赴會

試

按王倫於成化丙戌科改名宗彝中二甲六十九名進士訴父寃得復官後仕至禮部尚書

怨考官

天順四年庚辰科榜發有怨考官者妄奏考官衡文顛
倒帝問李賢賢曰此乃私忿考官無弊如臣弟讓亦不
中可見其公上立命枷其人於部前

天順
場屋災

天順七年癸未場屋災明年甲申補會試

中下乞改部

甲申殿試二甲八名安福人張敷華三甲二十一名華容人劉大夏俱乞改部以知庶事上從之全上

千里如飛

天順壬午科浙江東陽盧楷初為仇家所忌陷入囹圄至八月六日晚甫得脫繫計試事已無及矣是夜大雨如注水漲溢隄次早撥船又明日即抵武林遂得應試因書一絕於朝天門上云昨從和步撥船開午過蘭江晚釣臺今日浙江樓上望半千里路似飛來及放榜乃

冠多士

天曹見譴

吳文定公寬少就塾偶偕稚友二三詣一土地祠嬉戲
書神座云土地無道貶三千里既歸其師夢土地乞告
曰令徒見譴天曹筆也無所施計冀師為我釋之詰旦
師訪諸徒得之立命文定為洗滌之文定復如祠書免
貶二字去成化壬辰果廷試首冠官至少宰

三十幅

羅倫字彝正號一峰永豐人成化二年丙戌既中會試
自言久困場屋有志廷對願增紙以畢所陳禮部官壯

其志許之謄真遂有三十幅時李文達讀羅卷跪久李
年高至不能起上命兩內臣掖之是年羅遂大魁至次
科亦有欲比羅例者禮部官以為有意希望不從故至
今惟以十三幅為式

五色鳥

錢塘李子陽旻少有文名成化庚子秋試八月二日與
同輩入學晨叅忽五色一鳥飛入明倫堂盤旋不去諸
生喧縱聚觀竟棲止于梁間二日衆以為文明之兆子
陽為詩慶之曰文采翩翩世所稀講堂飛止正相宜定
因覽德來千仞不但希恩借一枝羨爾能知鴻鵠意催

人同上鳳凰池解元魁選皆常事更向天池作羽儀是
歲子陽果以易經發解

按甲辰狀元

一網得

唐皋在歙庠日每以魁元自命雖累蹶場屋而志不怠
鄉人誚之曰徽州好箇唐皋哥一氣秋闈走十科經魁
解元荷包裏其奈京城剪綵多唐聞之志益勵因題書
室壁曰愈讀愈不中唐皋其如命何愈不中愈讀命其
如唐皋何又嘗見人所持便面畫一漁翁網魚題曰一
網復一網終有一網得笑殺無網人臨淵空歎息及正
德癸酉甲戌果連捷狀元及第又曾夢與鄭佐同榜時

舉年三十餘而佐方生後佐年十九果與同捷

按佐方縣人是科登二

甲七十
二名

代倩

宏治時南京龍霓精於文義中壬子書魁乙卯代金都御史澤子達入浙場中第八又與同中甲科人有詩嘲之曰阿翁一自轉都堂百計千方幹入場金澤財多子孫劣龍霓家窘手兒長有錢使得鬼推磨無學却將人頂缸寄與兩京言路者好排閭闔說彈章其詩盛傳於時後二人皆不容於清議一止浙簽一止太僕丞今科場要令批首立貢院門內辨同試者面貌方入蓋由此

始

房術

倪進賢發源人素不讀書以房術進萬安大安大喜適成
化戊戌科安囑考官劉吉彭華取之遂登進士選庶吉
士後安以房術進上上曰此豈大臣所為耶

同鄉

成化十七年辛丑吳寬作房官會元趙寬出其門趙吳
江人論者頗以同鄉為嫌吳乃集鄉人開宴命趙作玉
延亭賦援筆而成時論乃息

歸姓

李文祥麻城人與萬安孫弘壁成化丁未同年進士歸
班安欲引附已延款于家安屬題畫鳩祥詩有曰春來
風雨尋常事莫把天恩作已恩安不悅

場無解元

李夢陽字獻吉扶溝人試河南不第乃就試陝西場將
閉夢陽呼曰場無解元何為閉也主者竒其言納之竟
中第一

父子各占一元

倫文叙南海人宏治己未科會狀子以諒正德丙子解
元以訓正德丁丑會元父子三人各占一元

掄元小錄

賣題

宏治十二年己未科三場畢戶科給事中華昶言程敏政素行不謹已放歸田營求李廣復官禁近今為主考官心市井將題語論表策三問四問賣與江陰徐經蘓州唐寅戊子新二生先以題問人且驕于衆敗露至此百

口難掩昔景泰年間徐泰買中順天解元事露覆試高

穀曲護幸免今徐經與泰同家敏政又從而招徠之朝廷科目豈容再壞疏入下視獄禮部尚書徐瓊等令李

東陽時為考官會五經同考官將場中硃卷凡經程敏政

微正其副也

看者重加校閱果有情弊出場之後通行究治二月二

卷二
十九日閱畢揭曉取倫文叙等三百人林廷玉疏言臣
在諫垣據簾官所見程敏政閱卷可疑六事命逮廷玉
敏政俱下獄三月殿試揭榜四月會審程敏政科場賣
題一案黜舉人徐經等十餘人為民令敏政致仕謫華
昶南京太僕寺典簿林廷玉海州州判

白沙之徒

宏治十八年乙丑會試太常卿張元楨侍講學士楊廷
和為主考得一卷曰非白沙之徒不能為此署第二名
揭曉唱名乃廣東增城人湛若水也湛從白沙學云

斥讀卷官

正德三年戊辰劉瑾黨焦芳子黃中與殿試芳意必欲
得第一以托東陽既而得二甲第一芳怒斥讀卷諸官
為部屬而授其子以檢討芳本不通猶置高第者李東
陽應酬意也芳以故恨李時時詬罵瑾聞之曰黃中昨
日在吾家試石榴詩甚拙願恨李耶乃已瑾敗芳及子
俱削為民按是科瑾黨劉宇之子仁亦欲得一甲既而
失之厚賂瑾取內旨批為庶吉士後瑾敗亦削為民

酒闌人散

正德戊辰科焦芳以子黃中不得狀元降調諸翰林是
科辛未楊廷和在閣其子慎以會試第二人廷對大

天下第一慎極博學然京師猶呼為面皮狀元以相傳首相
長沙公密以制策題示慎故所對獨詳得首冠也方登
第時賓客填賀太保公快然不樂謂曰身列宰輔子魁
大廷盛滿已極酒闌人散矣後議大禮果如其言

驟貴

張璉舉於鄉七會試不第將謁選御史蕭鳴善星術語
之曰從此三載成進士又三載驟貴與天子若一人勢
傾海內姑待之閱二年屆庚辰會試因駕幸南京改明
年辛巳科殿試遂登二甲第七十七名進士果三載也

後皆如言

得第後改名字敬

王氏學

嘉靖二年癸未廷試第問陰詆守仁歐陽德王氏弟子

也與同年魏良弼黃直以上三公俱江西人直發師訓無阿阿附竟登

第與探花徐階善共講王氏學焉

按題名碑是科三甲一百一十名有河南息縣軍士與余

同名異字不能考其字爵

文部

嘉靖五年丙戌張桂用事故庶常盡令改部又己丑科

廷試上親擢羅洪先吉水人程文德永康人楊名遂寧人於一甲而置

唐順之武進人陳東鄞人任瀚南充人於三甲首皆手批其卷無何

考庶吉士得胡經等二十人以唐等三人曾奉御批列

經等之首座主張聰霍韜以前科館選悉改他曹引嫌亦議改乃寢前命以唐等改部

考官作弊

嘉靖甲辰榜發禮部員外郎錢瑄禮科給事中汪蛟言會試主考官江汝璧等朋私通賄大壞制科內閣翟鑿二子汝儉汝孝連中鄉會場而業師崔奇勲姻親焦清試皆同號房考俱出彭鳳之門其歐陽暉係汝儉舊業師故閱書徑陽引嫌而陰為籌畫沈坤取陸燿高節取彭謙汪一中皆通賄疏入鑿請覆試上以情弊顯然下法司逮訊翟鑿及汝儉汝孝江汝璧崔奇勲焦清彭鳳

歐陽暎俱削籍高節充軍沈坤汪一中陸燁免議

不願經旨

張居正卒御史丁此呂劾禮部侍郎高啟愚

銅梁人

主南京

試時至以舜亦以命禹為題顯為勸進且及戴光啓為

叅政時主考鄉試私居正子嗣修等大學士申時行言

考官止據文藝不知姓名不宜以此為罪今此呂不願

經旨欲陷啟愚等大辟上遂謫此呂潞安推官

按長洲人陸燁以

鄉會試私中居正子獲譴外調

抑卷

萬曆二年甲戌沈一貫同考會試張居正子敬修卷在

一貫所主考侍郎王希烈以為言一貫抑其卷藏之居
正大恨敬修至下科乃中

無眼無頭

萬曆丁丑張太岳子嗣修榜眼及第庚辰懋修復登鼎
元有無名子揭口占於朝門曰狀元榜眼姓俱張未必
文星照楚邦若是相公堅不去六郎即敏修也還作探花郎後
俱削籍故當時語曰丁丑無眼庚辰無頭

九鯉神

海鹽倪政字拱德以鄉舉訓興化學終松溪諭初興化
生王譽者政才之故規矧不少借秋試舉禱夢九鯉神

曰當問倪先生譽以先生必無好言勉往一請政怒應
曰去中解元來譽喜甚疾趨出果發解

驛丞中式

畢瑜為山東提學日有張驛丞者鄉試中式公贈之詩
曰一官恥不與清流忙裏遺編自校讎枳棘豈能留彩
鳳鹽車未必困驂騑東籓領薦名初顯西蜀題橋志已
酬脫却樊籠入佳境春雷萬里步瀛洲

元元元

許相國金陵鄉試與王申二公偶同坐有相士過指之

曰元元元首許終申果不爽

許公國解元王公錫爵
會元申公時行狀元

許貧時歲

除袖修金歸憫投水婦贈之方患無以卒歲徘徊河西
橋休寧程爵遇之高其義厚贈且結姻焉次年即發解

改名黃

袁了凡初名表萬曆丁丑下第夢表黃作會元因改名
黃比下科榜發則會元袁宗道黃汝良次焉

文武兩解元

熊公 已中武解元因事為當道呵責大以為辱折
節為帖括遊庠及赴省試未獲錄科路訴於智學請收
遺才智學為無錫鄒公以錄遺已過不允熊乃大持其

與與夫俱倒智學怒立責三十板出題命作文意欲黜
之態立就不加點文又大佳智學喜送入闈遂發解後
態智南畿學見鄒鄒跼蹐若悔公曰雷霆雨露皆佩服教
誨歡然無間

神夢

中州士人周冕屢舉不第一夕有神見夢曰汝須待魏
尚倫同中周覺而求諸校中竟不得其人後十餘年有
一尚倫入學問其舉業懵然其年周君錄科携魏同告
考周代魏作俱入試三場同號周亦代之周中本房第
一魏亦登科周至撫任魏至縣令

元可操券

明朝制藝確有分兩作文與閱者皆可操券而取一人
出闈得意自以為會元矣偶夜散步聞有誤墮泥中者
急呼曰誰來救會元其人急往挽之起抵其寓閱文果
高一籌曰真恨事我第二矣已而榜發果然董思白將
赴南宮往辭其尊公公歎曰兒入場須加意我向決汝
為元今不穩矣以吾前閱陶孝廉名望文出汝上也宗白
謹受教畜馬乘題聚斂句已重頓矣憶其尊公言欲駕
陶上復改之已而場中定元以董平發不及陶遂置第

二按是年萬曆馮公夢正會試年有貴介子弟預購闈題聞已丑科也

有兩公密議曰斗筭字要之何用遂知為行已有恥三
節矣馮即邀一契友入西山靜養半月得一破曰聖人
與賢者論士而其所重者可知矣得意甚曰我會元矣
已而出闈偏訊同袍文但聞其破曰不及我也榜發果
然按是科萬曆
丁丑科也湯宣城賓尹讀書山寺上科某會元來訪
傳衣鉢者偶過其地見湯徘徊於寺廊下忽疾走狂笑
大擊寺鐘無數某公問之則曰我作一元文樂甚也索
觀之曰是矣但未盡善因指其隙湯大服請教遂以元
脉授之已而果得元按是年萬曆
乙未科也

報先生

萬曆五年丁丑居正當朝其子嗣修名在二甲第一上
拔置一甲第二謂居正曰吾以報先生也

傳鼓

魏允中為諸生副使王世貞大器之歲鄉試世貞戒門
吏曰非魏允中解元無伐鼓以傳也榜發果然

雖私亦公

李于鱗子駒敏慧能文有聲歷下王元美屬司李魏允
孚因秋闈之便拔之曰雖私亦公也魏在場中檢之數
日不可得既放榜見駒卷委于櫃下塵土中七作皆佳
駒未幾病歿無子于鱗之白雪樓竟屬他人

憤言官之橫

萬曆十四年丙戌科殿試閣臣申時行等擬袁宗道第二楊道賓第三宗道卷屬大學士許國讀上音不清楚署二甲第一移道賓一甲第二而拔進呈最末卷舒宏志為一甲第三宏志巡撫應龍之子年少策最奇麗多規諷時事且憤言官之橫閣臣不敢置前列上親賞拔中外驚異以為神明

置末第

顧允成字季時無錫人憲成之弟以十一年會至丙戌殿試對策有曰張居正罔上行私陛下以為不足信而

付之一二匪人恐居正之專尚與陛下二此屬之專遂
與陛下二則易間一則難圖也且極言鄭貴妃事執
政大駭且恚置末第

湯賓尹科場作弊始末

庚戌狀元韓敬者歸安人也受業宣城湯賓尹賓尹分
校會試敬卷為他考官所棄賓尹搜得之強總裁侍郎
蕭雲舉王圖錄為第一榜發士論大譁知貢舉侍郎吳
道南欲奏之以已資淺嫌于擠排前輩隱不發及廷對
賓尹為敬寅緣得第一人後賓尹以考察褫官敬亦引
病去事已三年矣會進士鄒之麟分校順天鄉試所取

童學賢有私於是御史孫居相並賓尹事發之下禮官會吏部都察院議顧不及賓尹事振基乃抗疏請並議未得命禮部侍郎翁正春等議黜學賢謫之麟亦不及賓尹振基謂議者庇之再疏論劾乃下廷臣更議御史王時熙劉榮馬益正亦疏論其事而南給事中張篤敬證尤力方賓尹之分校也越房取中五人他考官效之競相搜取凡十七人時賓尹雖廢中朝多其黨欲藉是寬敬正春乃會九卿科道翁憲祥等六十三人議坐敬不謹落職闕任御史劉廷元董元儒過庭訓敬同鄉也請敬關節果真非止不謹執不署名意欲遷延為敬地

正春等不從持初議上廷元遂疏劾之公議益憤振其
居相篤敬及御史魏雲中等連章論列給事商周祿亦
敬同鄉議並罪道南孟正以道南發奸不當罪再疏糾
駁帝竟如廷元等言勅部吏劾廷元黨元詩教遂劾正
春首鼠兩端正春尋引疾去會熊廷弼之議亦起初宥
尹家居嘗奪生員施天德妻為妾不從投繯死諸生馮
應祥芮永縉輩訟於官為建祠賔尹恥之後永縉又發
諸生梅振祚宣祚朋淫狀督學御史熊廷弼素交歡賔
尹判牒言此施湯亦作天德
無湯字故智欲藉以雪賔尹前恥又以
所司報永縉應祥行劣狀遂杖殺永縉巡按荆養喬遂

幼廷弼殺人以媚人疏上竟自引歸廷弼亦疏辨都御史孫瑋議鑄養喬秩令廷弼解職候勘時南北臺諫議論方囂各有所左右振基孟正雲中策及給事李成名麻禧陳伯友御史李邦華崔爾近李若星潘之祥翟鳳种徐良彥等持勘議甚力而篤敬及給事中官應震姜性吳亮嗣梅之煥元詩教趙興邦御史黃彥士周遠等駁之疏凡數十上振基等復極言廷弼當勘並斥言馬敬等黨庇自是黨廷弼者頗屈帝竟如瑋與振基等言令廷弼解任其黨大恨吏部尚書趙煥者唯詩教是聽乃以年例出振基及雲中時熙於外振基得山東僉事

璋亦自引去振基兢直敢言居諫垣僅半載數有建白
既去科場議猶未定也於是劉復上書極論而賓尹
等必欲十七人並罪以寬敬系中行代正春復集廷臣
議仍坐敬關節而昭示一人疏竟留中賓尹敬奉有
奧援外廷人與之故議久不決篤敬復上疏論敬陰

詆諸黨人諸黨人旋皆出外並逐慎行既而居相策亦
引去之祥外遷孟正益不平疏言廷弼聽勘一事業逐
去一總憲外轉兩言官矣獨介介於之祥韓敬科場一
案亦去兩侍郎兩言官矣復斷斷於篤敬毋乃已甚乎
疏上孟正亦調外任凡與敬為難者朝無一人由是得

寬典僅謫行人司副蓋七年而事始竣云

疑信相半

萬曆戊子順天鄉試禮部郎中高桂疏叅中式舉人鄭國章草稿止五篇李鴻文理不通潘之惺茅一桂任家相李昂張毓唐語氣支離解元王衡閣臣王錫爵之子疑信相半俱請覆試上命禮部會同都察院詳加覆試奏看得八卷中七卷文理平通一卷文理不通奉旨既公同閱視文理皆通都准會試時錫爵疏曰臣所生祇一兒年二十九歲臣日夜教之少立身名而不圖更以臣官為累也必謂在廷無一可信之輔臣輔臣無一向

上之子弟不亦誤乎衡至辛丑科榜眼及第

易水生

萬曆二十三年乙未會試前一日有舉子夢試題係晉
元帝恭默思道七字而題旨為易水生奪去後試題乃
司馬牛問仁章蓋晉姓司馬而元帝為牛金子合之則
司馬牛也其恭默思道又含詛言意是科會元湯賓尹
則固易水生也信大物天定哉

老莊

萬曆丁酉秋九月中允焦竑為順天鄉試副主考論者
以場中文俱用老莊語似中有關節故黜竑同知福寧

州

無館選

先是己酉葉向高疏言庶吉之選往時每隔一科自丙戌以來科科皆選翰林官壅滯日甚請照往例隔科一選明歲暫停從之故庚戌殿試無館選

當如老夫

周中丞石公說山陰高臺字清江嘉靖癸丑進士官監司負知人鑒其甥蕭山進士某甫襁褓撫之曰異日科名當如老夫以己癸丑會魁小印付之後果中萬曆癸丑會魁

五會冊

又嘗以水夫以己誠正命也小信於之後果中道也
長其味人眾其帶而山道士其首雖斷斷之曰異日除
聞中平以公山前高臺字清以蒸飯矣且道士字
當以安夫

謂而氣靈神變一效與以類超無翰遊

及以米林休嘗熟解林官魏職口尋竟期於何時一
於長已酒葉回高故言其古之觀形制亦與一特信
無餘幾九月十九日

陝陽定

制義科瑣記卷三

羅江李調元鶴洲軒

圍魚

萬曆乙卯年南場中有魚見於圍魚水族也水至潔也而汙穢至此又見於場中此文明失位之象次年丙辰會試沈同和以代筆中第一名代筆者趙鳴陽中第六名俱吳江人事發按問並罪除名吳為水國遂應其占亦阨運也時為之語曰丙辰會錄斷么絕六

屠者夢

壬戌前一歲武昌屠者夢天榜狀元徐時行也臨江即
吾里一生同此姓名屠物色得之勞以羊酒月貽供養
曰相公必是狀元異日無相忘生才下中大悅遂謀進
學適當榜發乃姑蘇申時行始猶徐姓也而生以病入
學嘔血卒

夫人大慟

董尚書潯陽公三世四進士庚辰科公之長孫青芝先
父釋褐報至公携杖往視子舍時隆山夫人以夫不獲
第方按儿大慟公慰之曰汝子幸已貴何哭為吾子不
第是吾痛耳不覺涕淚交下次科隆山亦第

陰相官生必敗

侯執蒲大梁人年二十一同兄執躬舉戊子孝廉提學使者長垣李化龍謂曰吾授生時獨未飲鬼漿能前知二子皆列卿然長者聯第次者當後十年執蒲果以戊戌登進士李騰芳者執蒲座主也執蒲既第數以文進騰芳輒揮不錄最後私問其小豎豎言獨見官進士應震文則大喜耳執蒲乃求應震為文三騰芳三稱善既而嘆曰官生雖善文詞吾陰相之其人後必敗侯生雖識當建大節何其文之類官生也吾不復相天下士矣

五經進士

蔡公懋德視學江西是時崇禎以登極恩每學拔一人
貢京師公矢諸神謝私謁榜發揭公重熙第一陳公際
泰次之際泰為諸生時其文播於朝鮮蔡公耳其名甚
熟欲首拔之日未午有以全作五經文呈者以為大士
也閱之乃揭少頃大士果以卷來公曰二卷俱佳但揭
卷尚書二卷稍弱意為陳地也揭應聲即於案頭復補
二藝公遂首揭後陳中甲戌第二而揭中丁丑甲榜亦
五經並作後死節云

兩舉世間無

嘉靖間有南人劉勝義者設帳永平灤州入籍中北直鄉試以冒籍被攻除革隨入南籍中南直鄉試以在外年久又被攻除革乃自叩閭請旨准在何處考試隨蒙旨硃批云狀元天下有兩舉世間無准為進士

宣聖取芹

天啟壬戌狀元文公震孟未及第時以孝廉作教事於聖備極誠敬朔望瞻禮儼然如在春秋丁祭則致齋禮祀凡籩豆之類無不先期躬親潔濯如是者三年一日丁祭見宣聖空中伸一巨手取芹菜而起見者咸驚神異次年公遂及第

卿輔萃處一堂

王疏菴冢宰有識鑒一日在高平劉尹一相座劉出其子鴻訓及同窓二孫一張並館師王五人課藝請政疏菴覽之驚曰皆卿輔才也安得萃處一堂館師文雖工福遠不及諸子然亦得第後孫公居相壬辰進士官戶部尚書孫公鼎相戊戌進士官副都御史張即金銘庚戌進士官總憲尚書鴻訓癸丑進士官大學士其館師王家礎亦壬辰進士選涇陽令未任卒言俱驗

未娶

萬曆乙未進士蔡復一吳竄劉嵩朴朱光祚荆養喬林

欲棟劉尚質俱年少未娶而尚朴年僅十七尤奇

陳庵寺之害

華允誠字汝立長洲人殿試策極陳庵寺之害主者不敢進呈寘名於二甲四十六名

按是科天啟壬戌二年也

殿試懷挾

萬歷庚戌有田吉者會試取中殿試懷挾爵三科以縣佐錄用補鄆城縣入為戶部主事為逆案五虎之一

邀謁

山東樂安人成勇字仁有天啟二年會試策內極言宦官之禍被放又三年成進士同年邀謁魏忠賢不可遂

授推官

十二金

劉理順數上公車不第讀書清源二郎神廟中比鄰哭聲詢之則商人七年不歸母老無食將嫁媳以養理順即以囊所儲納糧銀十二金與之姑媳獲全是科公會試廟祝見二郎神親送之遂中甲戌狀元

婢索命

李青字太青為諸生時讀書姑宅有婢媚媚李私狎之許以他日貴當置偏室崇正癸酉李登賢書婢以實告姑姑喜將資奩具以待李赴公車有期來謝姑復與婢

拳拳再訂比甲戌冠南宮與妻謀之妻大恨遣人詰責
姑李青不能禁婢遂自經死李青官禮曹當入直輒私
携妾輩扮家僮入宿禁省一夕忽見前婢披髮過其前
青方與所攜妾交歡情濃忽內傳他旨呼青青恐以為
攜妾事泄也遂脫陽死妾腹上人以為婢索命云

尚如少年

文節劉公同升字晉卿吉水人應秋子廷對日莊烈帝
問年幾何曰五十一帝曰尚如少年勉之

四十八人

崇正庚辰殿試帝恩得人復召四十八人於文華殿問

今內外交訏何以報讐雪恥魏藻德對曰以臣所見使
諸大臣皆知所恥則才能自生功業自建故孔子論政
曰知恥近乎勇論士曰行已有恥孟子亦曰一人橫行
於天下武王恥之如勾踐券烏以治吳燕昭式蛙以滅
齊皆知恥之效也又自叙十一年守通州功帝善之親
擢第一且意其有抱負從修撰超拜大學士一無建白
唯倡議令百姓捐助而已闖賊至京即首同陳演開門
迎降為賊考贓獻萬金賊以為少酷刑五日夜腦裂而
死時四月初二也

特用榜

崇正庚辰思陵留意人材俾下第舉人及廷試貢士俱
留特用悉畀以民社之任於是舉人史惇以下一百六
十三人貢士康侯以下一百人許同進士出身惇等
請援例謁文廟行釋菜禮并立石太學題名閣臣張四
知持不可思陵特允惇所請大學士周延儒奉勅撰文
太僕寺少卿兼翰林院侍書朱國詔奉勅書丹篆額工
部營繕司郎中王灝監刻立石於西南隅蓋自萬曆丙
辰錢士升榜至魏藻德榜九科有題名而無記及是始
有記焉特用榜死事者戶部郎中金壇徐有聲兵部員
外郎升貴州安平道副使臨川曾益金滄道叅議寶雞

楊畏知開封知府武進蔡鳳黃州府同知弋陽王府輔
國中尉朱統鋤邾縣知縣贈河南按察副使安邑李貞
佐汝陽知縣西安山陽劉必達大同山陰知縣慶陽衛
李倬鞏昌安定知縣臨海應昌士四川興文知縣漢陽
艾吾鼎呈貢知縣鍾祥黃卷立賢無方未嘗不收國士
之報克勤復社者宿注名特用榜中與陳孝廉瑚歸處
士莊敦高尚之節亦不媿是科者惇金壇人官至九江
太守野史撰慟餘襍紀者即其人也

洪廟神夢

嚴培思高明縣平步村人弱冠補博士弟子意氣傲岸

復自負謂南宮之捷轉瞬可俟仍下第歸由北惘惘若
失或言近村洪聖廟神甚靈培思即携襆被夜宿殿廡
恍惚夢神告曰汝欲成名須俟麥而炫同榜乃中耳驚
喜而寤徧訪知名之士並無其八偶一日自村入城東
門外亦有洪聖廟見塾師訓課其中相與談論忽一童
呈書傲于前視其姓名則麥而炫也因細問年歲里居
嘿誌而去不以告人是時炫方髻齡越十有餘年炫一
舉獲雋培思欣然資以行李偕入京師遂同登崇正辛
未進士聯舫旋鄉乃話前夢

酒芝

江右李太虛為諸生時嗜酒落拓而家甚貧太倉王司馬岵雲備兵九江校士列郡拔太虛第一引至婁東本籍使其子受業焉時王氏兩長子已受業同里吳蘊玉先生蘊玉梅村先生父也太虛至遂教其第四五諸郎兩人共晨夕甚歡梅村甫髫齡亦隨課王氏塾中李竒其文卜為異日偉器歲將闌主家具饌請兩師酒半出所藏玉卮侑酒李醉揮而碎之王氏子面加誚讓李亦盛氣不相下席罷後謂吳曰我安可復留此遂拂衣去吳知其不能行也翌日早起追於城闌出館俸十金為

贈乃附賈船歸然所贈資大半耗於酒及抵家垂索蕭然急呼婦治具婦曰吾絕糧已久矣安所得宿憶君去後猶存酒一甕請君軟飽可乎婦往鄰家借薪李發甕甕內產一芝如盤紫光煜煜喜且愕曰此瑞徵也挹之清冽異常乃泛白獨斟婦歸甕已罄矣是秋登鄉薦明年成進士入詞館數載後以典試復命過吳門王氏子謁於舟次李丞詢吳蘊玉近狀是時梅村亦登賢書因購吳行卷携以北上為延譽京師辛未梅村遂為太虛所薦登南宮第一及第第二人年僅弱冠蘊玉先生享榮養者三十年可為疏財敦友之報而王氏子自司馬

沒後家漸替矣

癸未榜

崇正癸未一榜結有明全代之局然是科殊多盛事子
先登第則南豐湯紹中子來賀庚辰進士壬午紹中鄉
薦來賀以揚州司理分校南闈所取徐徵麟與紹中同
榜登會榜而門生乃為年伯父子同科則常熟王曰俞
丁卯孝廉六上春官至是與子澧偕捷而榜中復有一
王曰俞陽城人兄弟同科則全樹吳國鼎國龍並為詩
魁四代進士則武進吳剛思而剛思母丁氏乃觀察亮
之媵三子並貴柔思壬戌進士簡思辛未進士五經中

式則嘉興譚貞良慈谿馮元颺任于本朝者有五相
陳名夏張端成克鞏杜立德梁清標六尚書王崇簡張
元錫胡統虞白胤謙姚文然朱鼎延後人繼起者如榜
眼李仙根實子狀元歸允肅起先子之類皆前科所不
能及

桃花魚

吳公受茲名晉錫司李永州崇正壬午入闈校士夜夢
一婦人素粧麗質携饌餉吳指魚羹曰此桃花魚也因
出詩相遺中一聯云桃花魚漾桃花水濯錦人吟濯錦
詩次夕夢復如前尋獲一卷其二場表聯乃有此二語

心其驚異因薦之入彀及榜發則江陵姚士升也偶與
同年友眉山朱公拙脩話其事朱曰此我姨某氏詩
氏少而慧嫻於篇詠夫早天苦節十餘載以其歲某月
日卒第不知何緣入彀未幾姚入謁詢其生辰正氏年
之歲月日皆同

真解元

嘉靖甲子順天鄉試主考林對山先生偶患目不能閱
卷命人徧讀所取卷謂皆非解元時題為舜有臣五人
而天下治尋落卷中得二卷讀至揔提五人處云斯五
人者天生之而授諸舜非私舜也將畀之以代天之工

也齊得之而分之職非我五人也將昇之以輔世之寄也瞿然曰此真解元也遂宜第一榜發為章禮

不可坐閱

崇正庚午應天鄉試主司姜燕及先生

皆

得章惇卷讀

至其人本來如是所謂直也

時首題為舉直錯諸枉一節

悚然曰此卷不

可坐閱遂端立誦之宜第四名

弱肉對句

成化乙未會試主司邛文莊公濬場中得王鏊卷閱至孟藝周公黷夷狄驅猛獸而百姓寧後比被髮而左衽句曰此非弱肉而強食不能對閱之果然遂宜第一

宏治辛酉山西和順縣一糧戶往布政司取通關忽夢
一所山西一省之官皆集俄有符使齎文書一通置案
衆曰天榜至矣開榜傍一官唱曰第一名李翰臣大同
府學生大同府縣皆起應曰其人孝友多為人方便至
第六名陳桂和順縣應曰其人事繼母能孝至三十六
名縣官應曰其人放私債迫死二人命中坐者舉筆勾
之至四十一名縣官應曰其人不孝且逐其弟為人傭
中坐者又勾之唱名畢中坐者令人各舉所知衆凡舉
二十五人中坐者擇九人寫訖糧戶醒默記之次日四

至盤陀驛遇陳桂曰公今年中第六矣桂不信因述其事榜發果然餘皆如夢

兩夢

劉克猷

名子壯湖北黃岡人

初登鄉薦夢一人語之曰爾須朱之弼

做房考方中春榜

按先生鄉薦係崇正庚午科

及到京時偶出寓散步見

數童子携書已經其門一童子最秀出遂拉其手與談

見其書上寫學名乃朱之弼也大驚隨之至其家見其

父乃開柴廠主人因與款曲將筆墨數事贈之後遭流

寇之亂屢次不赴春官及己丑會試朱公已為禮垣分

校得首卷即克猷也又康熙壬戌金德嘉在楚作教不

肯會試俄夢劉克猷以門帖拜之因此上是年朱公禮
閣總裁而金儼然會元始信夢兆之異

建大旗

狀元孫賢與同邑徐紳同領庚午鄉薦會試禮部宿彰
德驛驛丞盛設待之二人疑怪驛丞曰昨夢神人建大
旗驛門其上有狀元字今此設蓋待狀元非是舉人也
二人竊喜而其年皆不過過其驛不敢入至甲戌會試
二人俱第廷試畢傳臚則第一人果孫賢班中一人言
二科前夢中孫遇賢榜進士及中正榜中無孫遇賢名
字以為不驗至此而始悟為孫賢也

一朝平步上青天

天啟辛酉錢謙益與科臣暴謙貞典試浙江崇正元年當會推時溫體仁奏謙益典浙試受錢千秋賄以一朝平步上青天為關節並云千秋逃了有過付之人徐時敏金保元提到刑部為證謙益不當與會推十一月初六日上御文華殿召問謙益力辨上以問輔臣輔臣曰此案已據刑部招結是光棍騙錢的千秋文才原是可中光棍知道可中所以去騙上曰光棍作主考麼輔臣以招問對上曰招也是閃爍的輔臣言千秋後來拿到

了即等即去從公會議議上有旨謙益關節有據

受則是實著革職千秋著法司嚴提究問具奏

止逗四行

甲戌闈中文湛持先生得首卷決為陳大士請作元鄰
房項煜亦指一卷為楊維斗爭不肯下文先生曰但願
眼明耳果維斗作會元大士即第二豈不極盛耶遂讓
之及拆號項卷乃李青也唱次名果陳際泰滿堂闕然
頌文先生法眼項已極慙榜後艾南英千子領遺卷適
亦落項房首篇止逗四行而罷艾遂序刻其七藝大意
謂士子三年之困不遠數千里走京師而房官止點四
行棄置不顧此豈有人心者乎刊本四出京師又存之

闕然項聲譽頓減至不得與會推之列遂大恚恨至癸
未項資階已深不應分房而強謀入簾陰授名士關節
薦榜首以雪甲戌之恥是年艾不與試未幾國變項與
其門人周介生鍾節敗身辱流離道路相繼受戮而艾
千子以一老孝廉授命成仁焉

艾千子自叙

艾千子自叙云予以童子試受知於李養白先生其明
年春為萬厯庚子始籍東鄉縣學迄萬厯己未為諸生
者二十年試於鄉聞者七年餼於二十人中者十有四
年所受知邑令長凡二人所受知郡太守凡三人所受

知習學使者凡六人於是先後應試之文積若干卷既
刪其不足存者而其可存者不獨慮其亡佚散亂無以
自考又重其皆出於勤苦憂患驚怖束縛之中而且以
存知己之感也乃取而壽之梓而序其所以梓之之意
曰嗟乎備嘗諸生之苦未有如予者也舊制諸生於郡
縣有司按季課程名季考及所部御史入境取其士什
之一而校之名觀風二者既非諸生黜陟進取之所係
而予又以懶慢成癖輒不及與試獨督學使者於諸生
為職掌其歲考則諸生之黜陟係焉非患病及內外艱
無不與試者其科考則三歲大比縣升其秀以達於郡

郡升其秀以達于智學督學又升其秀以試于鄉闈不
及是者又有遺才大收以盡其長非是塗也雖孔孟無
由而進故予先後試卷盡出是二者試之日衙鼓三號
雖水霜凍結諸生露立門外督學衣緋坐堂上燈燭輝
煌圍爐輕煖自如諸生解衣露足左手執筆硯右手持
布襪聽郡縣有司唱名以次立甬道至智學前每諸生
一名搜檢軍二名上窮髮際下至膝踵裸腹赤踝為漏
數箭而後畢雖壯者無不齒震凍慄腰以下大都寒溼
僵裂不知為體膚所在遇天暑酷烈督學輕綺蔭涼飲
茗揮箑自如諸生什伯為羣擁立塵坌中法既不敢執

扇又衣大布厚衣比至就席數百人夾坐烝薰腥雜汗
淫浹背勺漿不入口雖設有供茶吏然率不敢飲飲必
朱鈴其牘疑以為弊文雖工降一等蓋受困于寒暑者
如此既就席命題題一以教官宣讀便短視者一書牌
上吏執而下巡便重聽者近廢宣讀獨以牌書某學某
題一日數學則數吏執牌而下而予以短視不能見咫
尺必屏氣噤嚅詢旁舍生問所目而督學又望視臺上
東西立瞭高軍四名諸生無敢仰視四頤麗立伸欠倚
語側席者有則又朱鈴其牘以越規論文雖工降一等
用是腰脊拘困雖溲溺不得自由蓋所以繫其手足便

利者又如此所置坐席取給工吏大半侵漁所費倉
卒取辦臨時規制狹迫不能舒左右肱又薄脆疏縫據
坐稍重即恐折仆而同號諸生常十餘人慮有更號率
十餘坐以竹聯之手足稍動則諸坐皆動竟日無寧時
字為坡躋而自閩中一二督學重懷挾之禁諸生併不
得執硯硯又取給工吏率皆青利頑石滑不受墨雖一
事足以困其手力不幸坐漏痕承簷所在霖雨傾注以
衣覆卷疾書而畢事益受困于胥吏之不謹者又如此
比閱卷大率督學以一人閱數千人之文文有平竒虛
實煩簡濃淡之異而主司之好尚亦如之取必于一流

之材則雖宿學不能無恐而予常有天幸然高下既定
督學復衣緋坐堂上郡縣有司候視門外教官立階下
諸生俛行以次至几案前跪而受教噤不敢發聲視所
試優劣分從甬道西角門以出當是時其面目不可以
語妻孥蓋所為拘牽文法以困折其氣者又如此嗟乎
備嘗諸生之苦未有如予者也至入鄉闈所為搜檢防
禁囚首垢面夜露晝曝暑暍風沙之苦無異于小試獨
起居飲食稍稍自便而房師非一手又皆簿書獄訟之
餘非若督學之專靜屏營以文為職而予七試七挫改
絃易轍智盡能索始則為秦漢子史之文而闈中目之

為野改而從震澤毘陵成弘先正之體而闡中又目之
為老近則雖以公穀孝經韓歐蘇曾大家之句而房司
亦不知其為何語每一試已則登賢書者雖空疎庸腐
稚拙鄙陋猶得與郡縣有司分庭抗禮而予以積學二
十餘年制執自鶴灘守溪下至宏正嘉隆大家無所不
究書自六籍子史濂洛關閩百家衆說陰陽兵律山經
地志浮屠老子之文章無所不習而願不得與空疏庸
腐稚拙鄙陋者為伍入謁上官隊而入隊而出與諸生
等每一念至欲棄舉業不事杜門著書考古今治亂興
衰之故以自見于世而又念不能為逸民以終老嗟乎

備嘗諸生之苦未有如予者也古之君子有所成就則必追原其敬歷勤苦之狀以自警上至古昔聖人昌言交拜必述其艱難創造之由故曰逸能思初安能惟始故予雖事無所就試卷亦鄙劣瑣陋不足以存然皆出于勤苦憂患驚怖束縛之中而况數先生者又皆今世名大鉅公而予以一日之菀附弟子之列語有之知己重于感恩今有人于此衣我以文繡食我以稻梁樂我以臺池鼓鐘使其讀予文而不知其原本聖賢備見古今與道德性命之所在予終不以彼易此且予淹困諸主而數先生者皆將踐三事九列翱翔天路既無以報

知已而一二君子溘先逝者又將無以對先師于地下
以其出于勤苦憂患驚怖束縛之中而又以存知已之
感此試卷之所為刻也若數科闈中所試則世皆以成
敗論人不欲塵世人之耳目又類好自表見形主司短
長故箴而匿之然終不能忘其姓名駒兒五歲能讀書
將分識而使掌之曰此某司理某令尹為房考時所擯
也既以陰誌其姓名而且使駒兒讀而鑒鑒而為詭遇
以逢時無如父之拙也

癸未

永樂癸未初即位天順癸未南省火皆改於明年會試

制義科瑣記卷四

羅江李調元鶴洲輯

人物之盛

古今名爵之盛王謝尚矣唐如張說三世宰相明如靈寶許氏一門皆貴希遇也我朝建興人物之盛亦有

足述者父子尚書王崇簡王熙宛平人父子同時總督白色純白秉貞遼人一門三鼎甲徐元文狀元徐秉義徐乾學俱探花同榜一縣兩宰輔山東益都孫廷詮馮溥其乙卯科鄉榜三鼎甲馬世俊狀元鮑亦祥榜眼葉

方雷探花俱江南丁酉科方月江猶所取也

根字

李子靜學士少隨其父如石先生官於吳國變不能歸
蜀僦居錦帆涇側館於鄉間柴氏紫氏子世俊夢入玉
京試得狀頭師得榜眼以告子靜子靜心喜自負因拆
榜眼二字之半合為根字改名仙根仍回原籍應舉幸
丑傳臚果三甲第二十八元則馬世俊也紫名姓馬名偶
符耳如石先生名實四川遂寧人崇正癸未進士為吳
縣令著有賢聲鼎革後杜門著書不以子貴易操方巾
布袍終其身

半仙

李道人言未來事多奇。甲午從山東入京皆稱為半
仙。朱少宰鼎延有子應順天試。詢得雋否。李大書云有
田皆種玉。無馬不成龍。朱以為嘉兆。及榜發解首。乃田
種田而未名馬成龍也。

黃鶯兒

順治丁酉科江南試場最為得人。如張玉書馬世俊陸
燦趙炳皆一時名下。而下第者極加誹語。有作為黃鶯
兒詞云。命意在題中。輕貧士重富翁。詩云子曰全無用
切磋。欠工徃來要通其斯之謂方能中。告諸公方人子

貢原是貨殖家風以是科題為貧而無詔一章也

吏筆報

丁酉豫章一士子入闈中作文繕寫已畢甚覺憊意忽見魁星跳舞其前曰汝今科狀元也可書狀元二字於我掌上士子大喜捉筆纔書一狀字魁星忽以手反撲印卷而去因是不得騰進蓋士子頗善吏筆也

持齋

鄞縣史立庵名大成其父好善與老衲號大成者往來甚善婦臨產見大成持鉢入室跡之不見至寺問之化矣立庵生遂以名之順治乙未狀元及第一生持齋

不甚了了

順治己亥秋八月再行會試趙吉士與朱若臣士綬同
公車若臣夢看榜榜首姓朱單名是金字偏旁右邊不
甚了了趙笑曰得無為他人作夢耶若臣具呈禮部改

名錄榜發會元朱錦

按趙吉士即著
寄園寄所寄者

會元後身

上海朱錦初投潘尚書為家人後其子游泮入謝於公
潘曰汝子已係朝廷士子可以門生禮見勿復作主僕
觀也即檢其靠身文書還之朱不勝感激曰荷洪恩須
當報効庶慊微心耳潘曰我富貴已足何賴于汝朱懇

請不已潘沈吟再四乃曰現今文廟地壞汝能修葺賢
於報我遠矣朱即獨力營繕頗稱華煥此事已過百餘
年人無有憶及者順治己亥科會元朱錦亦上海人官
翰苑至康熙壬子歿臨卒時文廟正梁年久朽壞亦以
是刻崩視其建造之姓名即朱錦也始知會元乃其後
身

豹仙

徐州李蟠以文望雄於鄉跌宕自喜有趙翁者與李林
相望晨夕過從趙富於貲小築數十楹中分兩院而空
其半花木幽深忽有美髯老人從空屈曳杖出自號豹

仙揖翁入其室則屏幃几案之精皆非素有自云從天
台來見君有闕館暫頓嬖妾於此當圖報也徐有美姬
出見皆光艷照座趙翁遂日與款洽叩以禍福無不奇
中鄉曲皆以真仙奉之蟠獨不信一夕痛飲極醉直造
豹仙所大呼妖獸數其惑衆之罪豹則早已避去其室
闕如而蟠仍毒詈不止也趙翁聞急令人扶歸明日豹
仙復見趙謝曰吾友無狀深獲罪於老仙幸恕醉漢豹
仙曰此君天祿甚高老夫革法當退遜計其年滿三十
當魁天下四十六歲位至三公但其生平有二隱事致
干天罰功名雖顯不免淹阻老夫既被譴驅無庸留矣

辭別出門有頃過覘其居依然一空院也後丁丑蟠以
狀元及第尋以事去官

啞子

徐相國元文赴試金陵一船家啞子忽迎曰狀元來矣
後魁天下造一船與之俾溫飽終身

曲水詩序

梁康僖公初名某為孝廉時夢人告之曰公舉進士名
雲構今名安之齊又曰王融三月三日曲水詩序列公
名矣以序中有虛檐雲構語也公改名果登第

夢祖履

秦州宮紫陽偉鏐中明崇正癸未榜十八名為詩四房
李翰林士淳首卷紫陽令孫懋言中今癸未榜十八名
亦為詩四房李編修鳳翥首卷當懋言公車北上夢祖
與之履喜曰是繩祖武之兆也果符其言人真如秦
特賜進士及第

戊戌春世祖親覆試江南丁酉貢士以古文詩賦
拔武進吳珂鳴第一是年禮闈榜後 上諭特賜珂

鳴進士與中式舉人張貞生等一體殿試尋改庶吉士
同時崑山葉方藹試瀛臺賦甚工 上深喜之踰年

己亥秋復行會試葉方藹中式賜一甲第三人及第池北偶談

戊子北榜三及第
順治戊子順天鄉試第四名張永祺壬辰榜眼及第
第五名戴王綸乙未榜眼及第第八名熊伯龍己丑榜眼
及第

甲午浙榜三狀元

順治甲午浙江熊鍾陵讀

伯龍

主試一榜狀元及第者

三人乙未史大成鄞人甲辰嚴我斯歸安人庚戌蔡啟
傅德清人

德清蔡氏二狀元

康熙庚戌狀元蔡啟傅壬戌狀元蔡升元俱德清人升元

即啟傳從姪

戊戌三及第

順治戊戌昂甲三人常熟孫承恩鹽城孫一致全柵吳國對皆江南人皆中甲午順天榜

蘇州會元狀元

順治以來蘇州會元六人乙未秦鉞長洲人丁未黃初緒崇明人癸丑韓葵丙辰彭定求乙丑陸肯堂丁丑汪士鏞俱長洲人狀元七人戊戌孫承恩常熟人己亥徐元文崑山人丁未繆彤吳縣人癸丑即葵丙辰即定求己未歸允肅常熟人乙丑即肯堂無會狀者三人全上

崑山徐氏三及第

崑山徐氏兄弟三人長乾學康熙庚戌探花及第刑部尚書次秉義癸丑探花及第右庶子次元文順治己亥狀元及第以戶部尚書大拜同胞三及第前明三百年所未有也惟宋李宗諤子昭邁昭邁子果卿果卿子士廉三世探花及第

同邑一榜及第

順治己亥狀元徐元文

榜姓陸

探花葉方藹皆崑山人丁未

狀元蔡啟傅榜眼孫在豐皆德清人明崇正癸未榜眼宋之繩探花陳名夏皆溧陽人

僚壻狀元

武進楊修撰廷鑑呂閣學宮僚壻也一明崇禎癸未狀

元及第一順治丁亥狀元及第

廷鑑二子大鵬己亥庶吉士按察使大鶴己未諭德

一邑甲科之盛

本朝一邑科第之盛者無錫壬辰狀元鄒忠倚乙未探

花秦鉞

長洲籍

秦又會元也己亥榜眼葉亦祥

榜姓

甲辰探花

周宏

榜姓

崑山三徐兄弟及第外又有己亥探花葉方藹

德清虞戍二及第外又有丙辰榜眼胡會恩壬戌狀元

蔡升元常熟戍戌狀元孫承恩丙辰探花翁耐元己未

狀元歸允肅

全椒吳氏兄弟

全椒吳氏兄弟同胞五人其四皆進士長國鼎前癸未
進士官中書舍人三國縉順治己丑進士四國對順治
戊戌進士榜眼及第官翰林侍讀五國龍亦前癸未進
士官禮科都給事由國對國龍學生也國龍子晟康熙
丙辰進士官辛未進士榜眼及第

特恩賜會試

順治乙酉鄉試山由不法若真以五經疏聞于朝特旨
授中書舍人仍與公會試丙戌遂入翰林其弟若貞同科

進士給事中

長洲彭氏兄弟

長洲彭氏定求丙辰狀元寧求壬戌探花同曾祖兄弟
全上

補鄉試

自庚申已後諸僭逆以次削平各省次第補行鄉試故
福建有庚申科主考戶部郎中劉元勳大理寺評事白
夢鼐廣西貴州皆壬戌科廣西主考翰林院編修喬萊
刑部員外郎楊佐國貴州主考翰林院編修沈旭初戶
部主事陸鍾呂雲南四川皆癸亥科雲南主考翰林院
編修米漢震戶部主事高瑄四川主考翰林院編修方

象瑛吏部文選員外郎王材任

全上

禁師生

唐人五代最重座主門生之禮明代尤甚萬曆中門戶既成一為師生終身以之惟嘉靖八年張璁霍韜為主考戒諸生不得修弟子禮本朝沿明之舊順治十五年戊戌科給事中胡悉寧建言鄉會試不分經房不稱師生至康熙十八年己未科始復分房舊例而師生之禁仍舊

全上

初選方面

順治己丑會試後以兩廣初定需人遂用新進士候銓

者二甲授參議三甲授知府進士釋褐即為四品監司
郡守蓋叛例也然止此一科為然

賜書員金

康熙二十二年春二月 駕幸五臺駐蹕完縣召父老
慰問賜金有蔡丹桂者自陳縣學生負家貧無以為養
上命講飛龍在天利見大人及德輶如毛毛猶有
倫句稱 旨賜白金五兩金盤蘋婆果六枚仍諭曰爾
當努力讀書開卷有益也事載西巡日錄

會元解元入翰林

世祖極重科名自丙戌至己亥會試第一皆入翰林惟

丁亥李人龍不與後以閣薦為中書舍人壬辰程可則以磨勘被黜乙未邑同年伊翕菴闕舉進士引見南海子
上顧學士曰此人山東解元也遂改庶吉士後授御史官至都御史巡撫雲南自辛丑至庚戌例又一變康熙癸丑
上以會元韓葵為狀元榜中解元皆改庶常丙辰亦以會元彭定求為狀元乙丑以會元陸肯堂為狀元凡一榜解元亦然遂為定例人遭逢固有
幸不幸按夢梁錄宋時中省魁者殿試有陞甲恩例前十名亦如之

試錄齒錄

科場試錄齒錄其來已久東觀奏記載鄭顯知舉宣宗
索科名記顯屬祠部員外郎趙璘採訪諸家科目日記撰
成十三卷始武德元年至大中十年敕付翰林自今放
榜後竝寫及第姓名及所試詩賦題目進入內仍仰所
司逐年編次明三百年鄉會試并沿其制康熙初停止
至庚戌會試乃復舊例鄉會試錄仍進呈乙卯鄉試以
兵餉不足再停止尋又復

膳卷

唐閔際美舖試蜡日祈天宗賦誤書衛賜作衛駟榜出
登第往叅座主曰諸君試日天寒急景寫札或不如法

恐文書到西京須呈宰相請先輩各買好紙重來請印
如法寫淨送納抽其退本舊時直省小試解卷送禮部
例須別騰淨本亦是唐人遺意至鄉試朱墨原卷解部
即不得爾

題名碑

劉公嘉話錄慈恩寺題名起於進士張莒題姓名于鴈
塔下後書之於版遂為故事宋龐文英文昌雜錄云本
朝進士題名皆刻石於相國興國兩寺趙昇朝野類要
云進士及第各集鄉人於佛寺作題名鄉會起於唐之
慈恩寺塔也予按進士題名列諸梵刹於義無取至明

乃立題名碑於國學題名記或學士或祭酒撰其典始
重永樂壬辰已前在南在在京師太學持敬門內諸碑
則自永樂十四年丙申科始至崇禎十六年癸未科止
螭首龜趺星羅林立一代之鉅觀也 本朝最為石文
而題名碑止順治丙戌一科丁亥已後無之當時不知
何故廢而不舉後遂相沿此闕典也又予前記本朝國
學進士題名碑未立為闕典官祭酒時欲疏請未果丁
卯御史言之禮部覆疏不行按水東日記云內官阮安
督工建太學時悉取前元進士碑磨去刻字今三年一
立石皆是物也此雖與五代時劉鄩守長安取古碑焚

城事微不同然古蹟存亦可惜也

正副考試官

舊例翰林給事中同考考試官則翰林為正給事為副
吏部與五部同為考試官則吏部為正五部為副獨康
熙壬子科戶部郎中郭昌吏部主事彭襄同主廣東試
以郭為正彭為副以郭中主事為序論衙門辛酉科工科給事中許承
宣子門人翰林院編修汪霽同主陝西試以許為正汪為副
今丙子科福建鄉試亦以給事中党聲振為正檢討王
者臣為副者臣子門人此出何冊然非故事也

狀元出典鄉試

舊例詞林第一甲一名及第者止充會試同考官不出
典各布政司鄉試自康熙己酉科己亥狀元徐元文以
侍讀典陝西試甲辰狀元嚴我斯以修撰典山東試始
變常例其後壬子科盧茂狀元蔡啟傳典順天試乙卯
科癸丑狀元韓菼典順天試丁巳科丙辰狀元龔定求
典順天試辛酉科己未狀元歸允肅典順天試丁卯科
乙丑狀元陸肯堂典江西試遂沿為例

八股

康熙二年以八股制藝始于宋王安石 詔廢不用科
舉改三場為二場首場策五道二場四書五經各論一

首表一道判語五條起甲辰會試迄丁未會試皆然會
左都御史王公熙疏請酌復舊章予時為儀制負外郎乃
條上應復者八事復三多舊制其一也尚書錢塘黃公
機善之而不能志行乃止嗣復三場及寬民間女子裹足
之禁教官會試五次不中者仍准會試三事皆得俞
旨餘五事後為臺省次弟條奏以漸皆復如寬科場處
分條例復恩拔歲貢復童童科歲兩考等是也

山東狀元

山東狀元仕多不達此亦有存存乎其人而亦省運之故
可見夫物亦造物之所忌也至順治戊子科新城伊中丞

卷開以乙未改翰林授御史今至節鉞甲午大嵩趙

德常浮山舟作以巳未丙午鄆城魏侍讀子相希微以丙辰

子濱州王檢討甲先冕以癸丑乙卯德州李編修

濟以丙辰丁巳諸城王編修何思沛以巳未辛酉德

孫檢討子未勳以乙丑丁卯陽穀劉庶常瑛以辛未

總十五科而入翰林者八人

薦隱逸

嘉熙十年浙撫范中丞薦山林隱逸鄆縣葛世振明崇

禎庚辰第二人翰林編修也既以老疾辭不赴復奉

旨敦自舟以疾辭遂允其請又薦布衣董漢榮以科

三試用尋為御史劾罷至下諸法司而秦督鄂善薦藍
布衣李顯辭不至顯起田畷嘗一就科舉遂隱居讀
曾修明橫渠藍田之學富平李天生因篤昔嘗為予言

梓潼帝君

康熙甲辰會試有四川舉人楊某者寓四川營石芝菴
場事既竣候榜于京師一夕與諸同年飲偶出忽仆地
眾昇入室移時始甦叩之云甫出尸見二卒強之行至
一公府有王者南向坐梓潼帝君坐其側頃之有吏引
楊父母至王者問云今年汝子某合中進士汝願否

其父拜謝母獨曰不願也王者叩其故母荅曰此子不
孝昔避寇亂入山此城甚遠主一親故家主人館餐甚
厚因令子暫歸視家室適部檄至催謁選縣令強之遂
赴都中途稱病而返比子入山而身已死含斂皆主人
經理之至今飲恨泉下故不願也帝君願吏取簿籍檢
之良久語王者曰以高某代楊可也及榜發則梁山高
宗弼中式楊竟被黜奉倩述其房師李侍郎仙根子靜云然
居易錄

神術

魚洋云門人全樹吳昺述其曾祖體泉翁為父卜吉壤

致閩人簡堯坡者于家廩餼甚厚簡日為擇兆域三年
不可得辭歸翁固留之一日同往梅花山中遇大雪同
飲陳家市酒樓簡倚檻遠眺久之罷酒起曰異哉吾遠
近求之三年不得乃在此乎遂同往三里許審視良久
曰是矣雪晴更往觀之喜曰天賜也得此地足報君矣
然葬後君子未即發至孫乃大發發必兄弟同之對面
文峯秀絕發必鼎甲然稍偏未必鼎元或第二第三人
亦不僅一世而止翁如言卜葬其後孫國鼎字玉鉉中
崇正癸未進士國縉字玉林順治己丑進士國對玉隨
國龍玉駒學生玉隨順治戊戌進士及第一甲第三人

官翰林侍讀玉駟亦癸未進士官禮科都給事中二人
兄弟又前後舉科第而曷今辛未科及第一甲第二人
簡之術亦神矣